

I. De A M B R A G R Y S E A. *Auctore Casparo Neumanno, M. D. Chemiae Professor. Berolin. & R. S. S. [Vide PART I. N° 433. & PART II. N° 434.]*

P A R S III.

Secundum externum aspectum multiplex datur Ambra grysea: 1. colore cinericeo, 2. albicans, 3. subflava, 4. cinereo-nigricans, 5. lœvis, ac si corio superducta esset, 6. colore puniceo, 7. cum striis, 8. maculosa, & 9. planè nigricans. (a) Ambra quæ nunquam deglutita ab animalibus fuit, ut & (b) quæ ab iisdem deglutita seu devorata & postea rursus in mare ejecta, vel etiam in ipso-rum corporibus reperta fuit.

Hæc posterior, scilicet Ambra quæ *deglutita fuit*, ut jam ante memoravi, est omnium vilissima & levissima, nam ut plurimum aliquid de loco mansionis seu foetore animali secum servat, si proptereaque facile à bona Ambra distingui potest. Sic & *planè nigricans*, & *penitus albicans* Ambra nullius valoris est, similiter, quæ *lœvis*, *uniformis* & *nimum pura externo visui apparent*, quoque suspecta, raro genuina, plerumque adulterata, si non penitus factitia vel composita existit. Ea contra, quæ *coloris est cineritii* striis dotata, vel etiam albicans maculosa, nigrè vel flavè maculata, externa crusta nigricanti prædita, licet quoque non adeo pura, sed cum rostellis avium, particulis sepiæ, spinis piscium, vel aliis rebus hinc indè commixta sit, nihilo tamen secius pro optima habetur; Quanquam adeo necessaria

K k k

rium

rium non sit, ut ejusmodi avium rostra, similiterque impuritates semper admixta habeat, sed utique, si eam accipere possumus, pura potius quam impurior, eligi potest: Hæc tantum idè adduco, ut noscatur, quod optima etiam Ambra variis plerumque quisquiliis commixta esse soleat.

Primariæ proprietates bonæ Ambræ gryseæ (exceptis iis, quas jam memoravi) sequentes sunt, ut sit levis, contactu ferè ut cera, simul quidem friabilis, interim aliquantum tenax, ita ut sub contusione mortario vel pistillo adhæreat, odoris fragrantis, ad candelam urentem facilè inflammabilis & constanter flammarum servans, super ignem vel candentem carbonem facilè liquefcens, & nullius singularis nec amari nec austeri, neque acidi neque salini saporis.

Ordinariò Ambram, ne multum perdatur, a candente, vel alio subtili fervido instrumento *probare solent*, an sit genuina nec ne? pungunt scilicet illa Ambram, tum circa acum, vel etiam supernè proveniens aliquid *ut fusa resina* apparere debet, vel projiciunt eam super prunas, aut paucum quidam in cochleari argenteo super flammantem candalam liquefcere faciunt. Hæc proba habet equidem suum usum, verum si non accurate exhalantem odorem cognoscas, & adhuc varias plures alias circumstantias observes, sed unicè ad isolam hanc liquefactionem attendas, tum & hæc usitata proba fallere, ac in adulterata imo planè factitia Ambra itidem obtingere potest, nec minus ea proba, quam D^r Ettmüller olim commendavit, inquiens: Veram Ambram in manibus, ut cera, mollescere, factitiam e contra friabilem esse; quæ proprietas verò per artificium

tificium æquè facili negotio induci valer, nec in se ipsa semper & ubique evenire solet.

Adulteratur Ambra grysea, imo etiam componitur (à fraudulentis deceptoribus) *cum cera, resina, storace, Benzoe, Succino, Ladano, Moscho, Zibetho, ligno Aloës, carie fraxini, farina oryzæ, Mosco arboreo & similibus, dum impostor aliis super alium semper meliorem proportionem & mixturam adinvenire studet, quæ tamen fraus facile quoque detegi potest.*

1.) *Ambra grysea factitia & composita plerumque planè uniformis est, ex omni parte eodem colore atque mixtura, instar massæ pilularum vel pastæ appetet, id quod in naturali Ambra nunquam ita æqualiter obtingere solet.*

2.) *Falsa ejusmodi Ambra ut plurimum citius in manu calida mollescit, quam genuina.*

3.) *Sed omnium optimè talis Ambrae factitia ex odore cognoscitur ; nam sicut verus Ambræ odor profectò planè specificus est, cum nulla alia re in mundo comparandus, ita quoque non tam facile ars ipsum imitari poterit, sed modo hoc, modo illud ex adventitiis vel immixtis ingredientibus odore prævalebit & fraudem prodet ; idque tantò magis cognoscetur, si ejusmodi Ambra carbonibus candentibus inspergatur, vel in cochleari argenteo super candelam flammantem, vel etiam particula immediatè ad candelam flammantem detineatur, halitus olfactu percipiatur, simul quoque ad liquationem & incensionem attendatur : Genuina si existat Ambra, tum sub liquatione bulliet, post liquationem permanebit fusca, & ultimò odorem succini emul-*

lum, quantumvis debiliorem, quam succinum communc, de se sparget; si vero falsa sit, tum & haec proprietates nunc hic, nunc alibi deficient ac aberrabunt. Nam

(a) haec vel planè non, vel serius, aut longè cito liquefcet.

(b) In ebulliendo, & exhalante odore multò alter fese geret, dum *vel fætidum quid, vel fragrantius*, vel planè aliud quid olens, quam veræ Ambrae exhalationes sunt, ex se demitteret.

(c.) Tum quoque post rostionem & peractam ebullitionem non in eodem aspectu permanebit, uti vera Ambra, sed *vel carbonarium vel cinereum, vel terreum*, adeoque penitus *alium externum aspectum*, etiam ratione coloris, monstrabit.

4.) Quod si ejusmodi Ambra occurreret adulterata, quæ *nullo peregrino odore imbuta*, sed fortè cum re quadam, nullo odore prædicta, *composita* sit, e. gr. cum musco arboreo grysea, & cui, ratione odoris, & melioris occultationis gratia, nihil nisi ipsa Ambra grysea admixta, proptereaque nullo alio, quam vero Ambrae odore imbuta sit, tum tamen & haec fraus facile detegi posset: (α) talis enim Ambra in hac proportione *nimis parcè aut debilius olebit*, (β) eadem carbonibus carentibus inspersa *copiosius fumabit*, si non apertè fætebit, (γ) *nec æqualiter ex omni parte liquefcet*, neque sub liquatione ita bulliet uti genuina, (δ.) denique *non tam facilè à fiamma candelæ accendetur*, nec minutæ candelæ adinstar *absque intermissione* ad consumtionem usque flammabit, quod genuina tamen Ambra monstrat.

5. Porro omnis factitia vel adulterata Ambra *sub solutione* se prodet, & longè aliter se geret, quam vera.

6.) Denique etiam *in destillatione aperto igne*, in qua falsa perquam recedit; ut alias probas jam præteream.

Vera proinde Ambra gryfea est *Bitumen*, & quidem, inter nota hactens bitumina, *succinum proximè equans*, vel ei accedens, excepta duritie, ac pelluciditate: Proximum est ipsi in sua mixtione non tantum præ reliquis bituminibus, nec solum præ omnibus aliis mineralibus, verum & *præ omnibus cæteris rebus in universo mundo*, quoque etiam modo appellantur, prout ulterius percipiemus.

Quanquam vocabulum Bitumen nihil aliud significet, quam mixtum quoddam minerale, tamen plurimi historiæ naturalis Scriptores illud ad hanc specificam significationem redegerunt, quod ejusmodi mixtum propriè sit *Pinguedo terræ tenax, facile urens*, cum quo charactere nostra etiam Ambra gryfea perfectè convenit: a) Basin & plurimum pondus partium ipsius essentia'ium constituit pinguedo sive oleum, & in unica Ambræ gryfeæ drachma ad minimum 3 ii ½ vel 4 præstò sunt, ita, ut & hic, secundum regulam scholarum, à potiori fit denominatio, propter superpondium constitutivi, Ambra non incommodè pinguedo vocari possit; b.) cum vero ista pinguedo, vel hoc in Ambra contentum oleum nec vegetabile, nec animale, e contra apertè & absque contradictione *minerale* sit, hinc illud optimo jure *pinguedinem terræ* appellare licebit; c) Ambram corpus *tenax*, vel pinguedinem *tenacem* esse, respectu aliarum pinguedinum, de hoc nemo disputabit, nec in dubium vocabit, alias enim facile

facilè contundi ac pulversari posset, nec ita pistillo & mortario adhæreret, *d)* Quod denique facilè *u-*
rens sit, itidem cuivis facillimè demonstrari potest, dummodo particula *Ambrae candelæ flammanti* admoveatur: adeoque nihil deest de requisitis bituminis qualitatibus & ante memoratis characteristicis expressionibus aliorum Autorum.

Quod vero dixerim: hoc subiectum, Ambram gryseam, *præ omnibus cæteris rebus in universo ter-*
rarum orbe, succino proximè accedere, illud nul-
latenus tanquam nuda cogitatio vel conjectura sus-
cipienda est, sed experientia ipsa hoc me edocuit, nam

(1.) Ambra grysea per se, & in forma *sicca* super nudo igne liquefacta & fusa, adeoque sensim sensimque exhalans, & sic etiam *super pruna*, revera præminentem succini *odorem continet*; si vero Ambra cum aqua igni applicetur, tum quidem pari ratione liquefcit adinstar resinæ, & inficit aquam aliquatenus odore Ambrae, licet ei se non immisceat, qui odor quoque facilè rursus per destillationem se-
paratur; verum cingens eam humiditas impedit si-
mul resolutionem mixti, & exhalationem aliquarum partium essentialium, brevi! hac ratione odor suc-
cineus non ita prodit, ac sub liquatione *sicca*.

(2.) Ambra grysea etiam *in præparatione verni-*
cis eodem modo sese habet, uti Ambra citrina, vel succinum, scilicet si Ambra liquefcat, eique po-
stea oleum semenis lini ab omni aqua liberatum effundatur, vel alii vernices leniter oleosi cum ea misceantur.

(3.) Denique omnium optimè eos convincit *De-*
stillatio Ambrae gryseæ igne aperto, in hac enim
plane omnia perfectè & proximè ita sese habent,
uti

uti in succino: Eruditus & celebris olim D^r Herman Nicolaus Grimm, qui per longum tempus in India Orientali fuit, quondam unciam unam Ambræ gryseæ ex retorta vitrea igne aperto gradatim destillavit, & exinde (prout Relatio ipsius in Ephemeridibus Naturæ Curiosorum à quovis perlegi potest) primò liquorem aqueum, deinde (ut exprimit) liquorrem spiritualem, porro oleum coloris flavi, paucum quiddam salis volatilis, & in retorta residuum quoddam, adinstar picis, recepit, ubi clarè simul perhibet, N. B. *Quod liquor, oleum, sal volatile & residuum, adeoque omnes partes eodem planè aspectu, eidemque proprietatibus, quam partes ex destillatione succini provenientes fuissent,* exceptò quod oleum fragrantiorē paulò odorem sparserit *. Jam hæc destillatio satis & sufficienter ad plenariam convictionem mihi sufficere potuisset, si assuetus essem in ejusmodi casibus unicuique statim fidem adhibere, vel ei inniti, quod multi forte tanto certius fecissent, dum longè preciosius est, in his nostris regionibus ejusmodi experimenta imitari, quam in India Orientali, vel in illis locis, qui Ambræ natales sunt; nihil tamen fecius experimentum istud, quamvis in minori portione, ad proprium meum lapidem lydium examinavi, & melioris certitudinis gratia ipse sum imitatus, *singulaque omnino eodem prorsus modo inveni,* hoc tantum discrimine in destillatione mea intercedente, ut planè nullum substantiale residuum, sed ex una Ambræ gryseæ drachma, admodum parum pulveris, qui vix ac ne vix quidem pro grano uno aestimari poterat, impetraverim, quod ve-

* Ephemer. Nat. Curios. Dec. 11. Ann. 1. pag. 405.

ro rei ipsi vel experimento Dⁿ Grimmii nihil prorsus derogat, sed discrimen exinde fortè ortum fuit, quod ille in sua destillatione *paulò citius* desierit, vel *ultimò non satis fortem ignem* adhibuerit, quo in casu utique ejusmodi residuum remanet, quæ immutata circumstantia etiam in succino ratione residui magnas variationes monstrat, & ego e contra meam Ambræ grysea destillationem tamdiu ac eo usque igne prosecutus sim, quantum fieri potuit, ut de industria perspicerem, an quicquam materialiter fixum vel salinum, vel saltem terrestre residuum manere vellet? unde demum *nihil substantialis*, sed *vix parum visibilis pulveris* remansit, adeoque expertus fui, quod tota Ambra grysea continuatione & violentia ignis destillari, ac in altum propelli possit. Cæterum itidem *Aquam, Oleum & sal obtainui*. Ex Drachma unica Ambræ recepi 3iiij^s olei, 5 gran. Aquæ, 2 gran. Salis, & circiter 1 gran. pulveris, reliqua 2 gran. quæ deficiunt, *partim allinendo ad latera, partim exhalando & evaporando perierunt*: *Oleum & sal, tanquam duæ primariæ partes, ejusdem indolis fuerunt, quam oleum ac sal volatile succini, adeoque nullatenus urino-so-volatilia*. Ex qua ingredientium vel partium constitutivarum proportione hoc demum in considerationem duci potest, quod tamen *adè pauca salina & terrestris substantia nihilominus* talem longè majorem partium oleosarum portionem condensare, vel in statum firmum tenacem, planeque siccum reducere possit; item, quod hæc quoque circumstantia, majori ex parte, itidem cum succino conveniat, per consequens *affinitatem ejus & hac in parte confirmet*. Unum illud adhuc dixerim,

dixerim, non in omnibus Ambræ speciebus substantiale quid salinum separari posse, quum pauxillum illud oleo copioso facilè se involvat.

Cum igitur preciosa hæc materia, Ambra grysea, præcipuas suas vires exferat *odore*, & quidem *fraganti*, hinc quoque jam multo à tempore, ad hunc usque diem ea maxima ex parte tantum ad ejusmodi res, *quaे suavi odore præditæ esse desiderantur*, scilicet ad Balsama, Pulveres sternutatorios, dentifricios, Electuaria pro dentibus, Pulveres ad crines (vulgò *Poudre*) globulos saponaceos, & vestimenta vario odore imbuta, adeoque ad res delicatas magis quam utiles adhibita fuit. Cum etiam, prioribus temporibus, Ambræ *variae qualitates medicamentosæ*, virtutes analepticæ, aphrodisiacæ, cephalicæ, apoplecticæ, bezoardicæ, nervinæ, aliæque plures attributa fuerint, hinc & in officinis pharmaceuticis (quamquam olim copiosius quam hodiè) ad diversa præparata & composita, magis tamen ad Galenica quam chymica, & communiter in forma pulveris usurpata fuit. Sed ista omnia & singula præteream, ac unicum tantum idque hactenus maximè usuale *præparatum ex Ambra*, nimirum *Essentiam Ambræ grysea*, & quidem *Essentiam simplicem* adducam, in qua nihil ulterius, quam sola Ambra cum menstruo accedit, idque ex hac ratione, quia etiam hac in parte, ratione *solutionis Ambræ* unum ac alterum in laboribus meis observaverim, quod in aliis editis Scriptis hucusque non reperi.

Hactenus pro certa & explorata re habitum ac creditum fuit, *spiritum vini rectificatum per se Ambram gryseam non solvere*; ex hoc ipso quidem Autores argumentum suum desumserunt, vel hanc

conclusionem ex eo formarunt, quod Ambra gry-
sea nec vegetabile, nec animale, neque resina, ne-
que corpus oleosum pinguedinosum seu resinofum,
sed *bituminosum minerale* sit, quia spiritus vini re-
ctificatus *perparum eam aggrediatur, multò mi-*
nus solvat, verùm eodem modo se habeat, ac cir-
ca Asphaltum, succinum, & alia bituminosa mix-
ta, ex quibus equidem paucum aliquid extrahat,
sed nunquam perfectam solutionem formet; quin
ipse eruditissimus Professor Hallensis Dⁿ Dr Hoff-
mann, eximium illustris hujus Societatis membrum,
quodam in loco *, “ Omnia corpora resinosa, in-
“ quit, levi labore in Spiritu vini rectificatissimo
“ phlogisto solvuntur & extrahuntur, sed N. B. *Id*
“ *ipsum non fiat cum Ambra, quæ difficillimæ est*
“ *solutionis in ejusmodi Spiritu.* Et quia obser-
“ vamus, corpora inflammabilia, quæ ex terra na-
“ cuntur, ut Succinum, Bitumen judaicum, car-
“ bo fossilis, etiam difficilioris esse Solutionis neque
“ tam lubenter conjugium inire cum liquore valde
“ Spirituoso, hinc subscribimus eorum sententiae,
“ qui statuunt, Ambram ad Bituminis genus esse
“ referendam, cujus natales sunt in terra, &c. Et
“ porro ait: Cum igitur tam difficilis solutionis
“ sit Ambra, hinc certè nullam adhuc genuinam
“ Ambræ solutionem in officinis conspicimus. Nam
“ eam plerumque parare solent cum Moscho, cum
“ oleis essentialibus Cinamomi, & aliis, vel etiam
“ Zibetho, & ita possidemus quidem suavissimi o-
“ doris Essentiam, quæ quoque non caret sua vir-
“ tute & usu, at *parum participat de Ambra, quæ*
“ *potius intacta remanet.*” Qantum huc usque ra-

* Ej. Observat. Physic. chym. Select. Lib. I. Observ. XVIII.
pag. 67, &c.

tione solutionis Ambræ cum Spiritu inflammabili seu ardente in mundo cognitum est, tantum de jure ea profert Dⁿ Dr Hoffmannus, nec quisquam alius ulla ratione cum fundamento hanc sententiam refutavit, præcipue cum in genere ejusmodi solutio, in primis *in Spiritu vini rectificatissimo per se* non modo difficillima, sed & plenaria solutio ferè *impossibilis* habita fuerit; cum vero ex mea experientia planè contrarium, nempè non tantum possibilitatem, sed etiam facilitatem hujus, alias nunquam creditæ solutionis ipse viderim, hinc spero, detectionem hanc jam communicatam, nec ante memorato Dⁿ Dr Hoffmanno, Fautori meo æstimatissimo, nec cuiquam alii fastidiosam, Societati Regiæ potiùs gratam futuram esse, utpote quæ ne minimum ejus, quod majorem rei alicujus illustrationem atque evolutionem nobis dare potest, rejicere nec contemnere solet, quin potiùs, quæ fortassis lætitiae illius, quam sentio in detectione harum vel illarum, licet sœpe sic æstimatorum minutiarum, aliquatenus participem fese reddet, perpendens, quod fructus iste ex exiguo ipsius vestræ arboris ramulo oriatur.

Totum proinde negotium solutionis Ambræ in Spiritu vini rectificatissimo plane non consistit in singulari artificio, multò minus arcānum quippiam redolet, prout id forte quidam, in præparatione bonæ Essentiæ Ambræ sibi effinxerunt, sed requirit tantum *parvam* quandam, ut conjicio, hactenus non animadversam *encheiresin*. Recipe modò bonum summè rectificatum Spiritum vini tartarifatum (quamvis in casu necessitatis & *simplex* non tartarifatus Spiritus vini rectificatissimus idem efficiat) eique in jice partem duodecimam puræ genuinæ & in frustula

confactæ Ambræ, repone ea non in lenem, sed in ejusmodi digestionem, quæ pedetentim ita incalescit, ut Spiritus vel menstruum incipiat *ebullire*, quippe quod unica encheiresis est, tum plenaria solutio in sequetur, siquidem ego semper \exists ii Ambræ in \exists i. Spiritus dissolvi, & tantummodo impurum istud, *quod Ambra non fuit*, sed in alieno-terreis, vel aliis ad mixtione Ambræ non pertinentibus fordibus, pondere interdum 2 vel etiam tantum 1 gran. librantibus, consistit, tanquam residuum vel non solutum in fundo vitri reperi. Qui extemporaneam hujus rei certitudinem capere vult, is in vitro non penitus adimplero, & ex metu diffractionis non firmiter nimis, sed leviter obturato, super prunas, vel planè super candelam flammantem experimentum instituat, tum simulac Spiritus vini ebullire incipiet, à veritate convincetur. Quod si vero pro menstruo recipiatur Spiritus inflammabilis *oleofus*, sive ille super unum aut alterum vegetabile oleo præditum *abstractus*, sive ejusmodi Spiritus vini rectificatissimus cum oleo quodam essentiali *infillando imbutus* sit, tum solutio pro gradu temporis tanto *oculus* succedit, & de reliquo neque Spiritus rosarum, neque alias Spiritus abstractius, N. B. *Nisi oleo dives, vel particulis oleofus præditus sit*, hic, ratione energiæ solventis, præ Spiritu vini rectificatissimo simplici ullam prærogativam possidet.

Jam circa hæc sequentes adhuc circumstantiæ notandæ sunt :

1. Quod si Spiritus vini rectificatissimus simplex absque alcali, vel etiam Spiritus vini tartarisatus super sal Tartari modò *abstractus* assumatur, tum equidem in antedicta proportione itidem plenaria solutio

solutio procedit, sed ista solutio, vel sic vocata Essentia Ambræ, plerumque *non est satis obscurè vel rubicundè tingita*.

2. Id quod residuum est, aspectu *non parvum exhibet volumen*, ita ut plurima, vel satis multa pars Ambræ quasi insoluta appareat, cum tamen reverā, si solutio filtratur, & *in filtro remanens siccatur ac ponderatur*, illud certè perquam paucum, *pure pulverulentum*, vel tenerè terrestre aliquid sit, si genuina modò Ambra adhibita fuerit.

3. Si *Spiritus non sufficienter dephlegmatus, vel non sufficiens calor adhibetur*, tum aut nulla solutio, aut nuda tantum ac *simplex extractio* in sequitur.

4. Sin vero ejusmodi Spiritus vini tartarisatus, qui cum sale Tartari tantum *in infusione* absque insequentī abstractione stetit, ad solutionem in usum vocetur, tum solutio *citius & melius tingetur*.

Ex quatuor hisce circumstantiis sequentia proindè consecutaria & explicationes fluunt.

(a) Cum plerumque in Essentia Ambræ *color simul quæsusitus fuit, fortè non pauci cum Spiritu vini solutionem habuerunt, quæ vero, quia parum tingita* apparuit, pro tali non habita nec cognita est.

(b) Idque tanto minus, cum *residuum tam apparenter copiosum* conspexerunt, quod & me ipsum in principio offendit, ut semper judicarem, parum vel nihil solutum esse, donec tandem illud siccarem & ponderarem, indeque perspicere, quod hoc non tantum perquam paucum, sed adhæc quoque *pure pulverulentum* alienum quid sit, ad solutionem vel Essentiam Ambræ nequicquam pertinens.

(c.) Vel si alicui hæc solutio nondum ex sententia successit, tum (1. vel *insufficienter rectificatus Spiritus vini*, vel (2. si & hic assumptus sit, *debitus fervor non adhibitus fuit*, & forte plerique cogitarent, Ambram esse materiam fragrantem, quæ, si nimis fortiter digeratur, vel infusum valido æstui exponatur, quoad partem optimam atque subtilissimam exhalaret, unde calorem lenem adhibendum esse, quamquam etiam revera *non ad omnes species Ambræ* vehe[n]ens ejusmodi fervor requiratur, & solutio nihiominus succedat.

(d.) Denique & hæc conclusio exinde sequitur, si quis rubicundè tinctam Essentiam acceperit vel habuerit, ac, præter menstruum, nihil aliud quam Ambram gryseam adhibuerit, quod menstruum istud semper *Spiritus vini per infusionem tartarisatus* fuerit, unde Tinctura originaliter non ex Ambra, sed *ex sale alcalino fixo* procedit, quæ tum à partibus oleosis Ambræ tantummodo exaltatur. Certitudo hujus circumstantiæ elucet, si Spiritus vini rectificatissimus oleosus *tantum cum sale Tartari per se* digeratur, inde enim rubicunda Tinctura prodit, quam Tincturam Tartari appellant. Si Spiritus hic vini non est oleosus, tum nec Tinctura Tartari adeo pulchra fiet, sed vix flavo colore tingetur, vel planè nullo : cui vero si unam vel duas guttulas *olei essentialis*, e. gr. *olei Anisi*, instilles, Tincturamque observes, tum id, quod dixi, in momento, neimpè augmentationem & saturatiorem Tincturæ colorem evidenter videbis.

Conclusio hujus rei proinde hæc est: (a) Quod si Ambra grysea cum puro Spiritu vini rectificatissimo, vel etiam cum Spiritu vini per abstractionem tar-

tartarisato tractatur, tum *plena quidem obttingit solutio*, sed absque singulari *Tinctura*: (β) Si vero eadem Ambra cum Spiritu vini per infusionem tartarisato, eadem methodo, tractatur, tum non modo ipsa contingit solutio, verum etiam *tincta solutio*, quæ Tinctura autem imprimis, à *sale Tartari in substantia hic magis existente* dependet, proindeque potius ut Tinctura Tartari ratione coloris consideranda est, (γ) Si autem paulò fortior, quam Tinctura Tartari tincta apparet, tum *partes oleosæ Ambræ pari ratione ad augmentationem coloris hujus Tincturæ contribuerunt*, ac si alii Tincturæ Tartari, ad quam nulla Ambra adhibita fuit, unam vel aliquot guttas aliis olei instillasses: (δ) Si proinde *Spiritus rosarum alcalisatus*, vel fermentatione, vel etiam repetita super rosas abstractione factus, pro menstruo ad præparationem Essentiae Ambræ adhibitus, & cum eo egregia Ambræ Essentia parata fuerit, nemo exinde concludere debet, ac si *Spiritus rosarum solus singulare planè & appropriatum Ambræ gryseæ menstruum* sit: Nihil enim aliud, aut nihil magis hic fit, quam quod à me jam dictum est, nempe in Spiritu rosarum alcalisato 1.) *aliquid salis alcali*, 2.) nec non *quædam partes oleosæ adsunt*, exinde oritur Tinctura eadem ratione, ac si Tincturam Tartari ex sale Tartari cum Spiritu vini *oleoso absque Ambra & absque rosis præparo*, solutioque Ambræ semper procedit tanquam solutio cum alio Spiritu vini tartarisato, vel etiam simplici rectificatissimo absque sale Tartari.

Quod vero ejusmodi Essentia sive solutio Ambræ, quæ cum bono *Spiritu rosarum* decenti methodo parata fuit, longè fortiorem & gratiorem odorem spargat,

spargat, quam alia cuim simplici Spiritu vini elaborata, hoc planè naturale est: 1. enim Spiritus rosarum per se non modò *fortem*, sed & *fragrantem odorem*, simplex e contra Spiritus vini ferè *nullum* habet: 2. Notum est, *Ambram gryseam* illius naturæ ac indolis esse, ut per se non adeo *singularem odorem* spargat, simulac verò ei aliud quicquam, *per se fragrantī & forti odore præditum* admiscetur, tum statim *odor atque fragrantia Ambræ* quasi è somno evigilatur, excitatur, & reverà *exaltatur*: hoc ergo quoque sub solutione cum Spiritu rosarum eodem modo contingit, proinde penitus naturale quicquam est, quod hæc mixtura seu solutio eminenter *fragrantius odoret*, quam ea, quæ nudo Spiritu vini parata fuit.

Non incongruè igitur officinalis *Essentia Ambræ* cum Spiritu rosarum alcalifato propter auctiorem odorem parari potest; cum verò non pauci quoque homines occurrant, qui *odorem & saporem rosarum* ferre nequeunt, hinc nec ii malè facient, qui præter hanc *Essentiam rosatam* adhuc quoque *Essentiam Ambræ puram*, nempe tantum cum Spiritu vini rectificatissimo & alcalifato paratam, in officinis pharmaceuticis in promptu habent. Quo verò Tinctura hæc satis efficax sit, & solutio tanto citius absolvatur, nec color tinctus einaneat, hinc menstruum seu Spiritum vini *dupliciter alcalisare* juvabit, præparetur scilicet primùm justè bonus Spiritus vini tartaratus per abstractionem, vel *desilletur* genuinus Spiritus vini rectificatissimus aliquoties super sal alcali fixum, & hic ita semel alcalisatis adhuc super purum ac calcinatum Sal alcali fixum *infundatur*, aliquantum digeratur, tandem decantetur, & ut menstruum pro *Essentia*

Essentia sive Solutione Ambræ adhibeatur, tum hic, *ratione virtutis solutivæ*, eodem modo, ac optimus & pretiosissimus Spiritus rosarum se geret, imo si Spiritus rosarum non fuit tartarisatus, vel alcalifatus, ei *prærogativam adhuc dubiam reddet.*

Incidit hic mihi in mentem, quod celebris olim Dr Ettmüller alicubi scribat *: Ambram cum rosis *in fermentationem deduci*, indeque *Spiritum rosarum Ambratum confici posse*, qui margaritis præponendus sit, tanquam summum analepticum & confortativum ; verum cum aqua, ut ordinarium corporum fermentandorum menstruum, Ambram ne minimum quidem attingat, & cum rosis ex parte Ambræ impossibiliter vera *confermentatio* obtingere poslit, hinc adducor, ut credam, esse vel sphalma typographicum, vel auditum decepisse Dr Ettmüllerum, dum forte quidam ipsi aliquando dixit: *cum benè fermentato & rectificato Spiritu rosarum & Ambra, Spiritum ambratum gratumque confici posse.* Quod suaviter frangens Spiritus rosarum, etiam sine Ambra, margaritis præponi mereatur, hoc equidem in dubium non vocabo, attamen *tantum ratione fragrantie*; nam *ratione virtutis* analepticæ margaritas adhuc lapidibus cancerum, imo etiam tantum depuratis vulgaribus ostrearum testis postpono; sed hæc in transitu.

Denique restat adhuc, ut probem ac demonstrem ea quæ dixi : *Spiritum neinpe inflammabilem oleum, solutionem Ambræ promovere & accelerare*, quod facile quivis oculis cernere potest : Accipiatur Spir-

* Mich: Ettmülleri Opera Pharmac. chvm. in Schrödero dilucid.
p. 78

tus inflammabilis rectificatissimus, eique frustula Ambræ injiciantur, si igitur illa dilabi nolle videas, tum instilla aliquot tantum guttulas hujus vel istius puri, *cum oleo expresso non adulterati, olei destillati essentialis*, tunc, quod dixi, manifestè vel brevi ad oculum patebit; Ratio, quare hoc fiat, non à longinquo peti opus habet, sed hæcest, quia *ejusmodiolea ipsam* Ambram solvunt, siquidem non modo cum variis aromaticis fragrantibus oleis essentialibus, ut cum oleo Lavendulæ, Menthæ, & similibus aliis, sed etiam cum Italico oleo Citri (*oglio di cedro,*) porro cum resinooso oleo Térebinthinæ, nec non cum oleo bituminoso, ad ejus familiam pertinente, puto rectificato *oleo succini* experimenta feci, & ubique cum his oleis solutionem perfeci; e contra cum *oleo expresso*, ut *oleo Amygdalarum*, ne minima quidem solutio neque extractio insequi voluit. Ex quo tantò evidentius videre licet, quod Essentia Ambræ Schrôderi †, qui Ambram primùm cum *oleo amygdalarum* digerere, exprimere, & super hoc expressum posteà Spiritum vini rectificatissimum abstrahere docet, absurdâ & pro dispositione ad solutionem magis *apertè impediens* quam promovens sit.

Sic quoque pro intentione solvendi Ambram cum *Spiritibus dulcificatis* tam alcalicis quam acidis tentamina institui, proindeque Ambram gryseam a.) cum Spiritu vitrioli dulci, b.) cum Spiritu nitri dulci, & c.) Spiritu salis dulci, nec non cum *Spiritibus alcalicis dulcificatis*, ut d.) cum Spiritu urinæ dulci, seu ita dicto Spiritu salis ammoniaci vino cum calce viva,

† Pharmacop. Medico-chymica, Lib. III. cap. 29. pag. 502. Edit. Witzel, 1677.

item e.) cum sale Tartari parato, infudi & digesti ; verum hi *vix paucum quippiam extraxerunt*, nec Ambram penitus aggredi aut eam solvere voluerunt. Circa unicum cum *Spiritu vitrioli dulcificato factam infusionem singulare quicquam videre licuit*, dum hic Spiritus cum pauco isto, quod extraxerat, *aliquot granula salina formavit*, quæ ad latus vitri, in quo infusio peracta erat, sese apposuerunt.

Ultimò adhuc quoque pauca quædam adjicere liceat *alba illa, tanquam sebum apparente materia viscosa*, quæ communiter ex solutione seu Essentia Ambræ sese *præcipitare* vel separare solet, quam D^a Lemer^y *ceram esse* existimat, eamque pro argumento adhibere, vel conterraneis nasum cereum attexere, ac cum ea probare vult, quod ex hac circumstantia oculariter demonstrari possit, Ambram gryseam *nihil aliud quam ceram esse*, vel ab apibus provenire, in qua opinione tamen hic alias peritus vir penitus à vero aberravit.

Circa hanc se præcipitantein materiam sequentia ergo observavi :

(1.) Quod ea non semper, nec semper tam citò se &c.

(2.) Quid ipsa revera sit.

1. Quod si hæc alba materia sese separat, tum communiter *tres circumstantias* circa eam observavi, quæ ad præcipitationem, nisi omnes tres conjunctim, saltem unica earum absolutè requiruntur, (a) Sivè enim Essentia vel Solutio in ejusmodi vitro stetit, quod non planè impletum, sed cuius tertia vel dimidia pars vacua fuit, (b) Sive orificium vitri ne-

gligentius obturatum fuit, unde Spiritus subtilissimus sensim sensimque exhalavit, ideoque pro exhalationis hujus proportione aliquid de soluta Ambra rursus excidit, (c) vel etiam solutio adhuc super aliqualem partem insolutæ Ambræ stetit. Nam si solutio mox de reinanentia sua decantetur, vitrum cum ea penitus impletatur, idque sollicitè & firmissimè obturetur, atque ab exhalatione præcaveatur, tum non tam citò quicquam præcipitatum fuit, nec ejusmodi albicans materia apparere voluit, adeoque *evaporatio tenuissimi Spiritus est vera causa principalis*, ita ut Spiritus hic istud, quod anteā solutum tenuit, in fuga sua rursus demittat.

2. Ipsa autem *hæc albicans materia*, quam Dⁿ. Lemery *pro cera habet*, nihil aliud est, quam *depurata quasi, vel reducta perfecta Ambra*, quod exinde probo, quia Spiritus vini rectificatissimus, vel aliud menstruum ad hanc solutionem Ambræ jam adhibitum, si nempè albicantem hanc substantiam denuo eādem methodo, ut antea Ambram, rursus tracto, eam quoque iterum plane solvit & imbibit. Fiat è contrario proba cum cera & Spiritu vini rectificatissimo, an hic Spiritus ceram quoque tam facile soluturus, imbibiturus, vel eodem modo ei se commixturus sit? ut alias circumstantias jam præteream.

Possim quoque adhuc unum & alterum *de Eissen-tiis Ambræ compositis*, aliisque *præparatis Ambratis* adducere; verum cum hæc disquisitio jam magis increverit, ac in principio cogitassem, adhæc quoque ejusmodi materiæ propriè ad propositum mihi scopum non pertineant, hinc colophonem hisce imponam, & de reliquo semper gaudium exinde mihi

mihi parabitur, si quis mihi meliores, magis suffici-
entes, magisque *demonstrabiles* relationes de Ambra
grysea, ejus *origine, natura & mixtione* impertie-
tur.

Caspar Neumannus, M. D.
Profess. Chymiae, Societa-
tum Scientiar. Reg. Magn.
Britt. & Pruss. ut & Acad.
Nat. Curios. Soc.

Berolini d. xv.
Octobr. 1729.

II. Editoris Recensio Experimentorum circa Am-
bram Gryseam à Domino Joh. Browne,
R. S. S. & à Dno. Ambrosio Godofredo
Hanckewitz, R. S. S. institutorum, cum D.
Neumanni, R. S. S. Experimenti sui vindi-
catione.

MAndatum fuit Chemicis expertissimis Regalis
Societatis sociis dignissimis Dnis Browne &
Godofredo *Hanckewitz*, ut Operationem de Am-
bra grysea à clarissimo D. Neumanno chemiae pro-
fessore & R. S. S. institutam sedulò repeterent.

D. *Browne*, cum censeret clarissimum D^a profes-
fore nimis parvam quantitatem, scilicet Drach-
mam unicam, in experimento suo adhibuisse, sum-
fit Ambræ grysea unciam & semisse, cum terræ
cimolia alba siccatissima (qua semper utitur ad salem

ex